

Headline	Jambatan Gantung Satok akan dibina semula		
MediaTitle	Mingguan Sarawak		
Date	12 Feb 2017	Color	Black/white
Section	Tempatan	Circulation	37,981
Page No	3	Readership	113,943
Language	Malay	ArticleSize	173 cm ²
Journalist	N/A	AdValue	RM 393
Frequency	Daily (EM)	PR Value	RM 1,180



Jambatan Gantung Satok akan dibina semula

KUCHING: Jambatan Gantung Satok akan dibina semula pada tahun ini yang dijangka memberi impak besar kepada industri pelancongan di kawasan sekitarnya, kata Ketua Menteri, Datuk Amar Abang Johari Tun Openg.

Beliau menambah, Jambatan Gantung Satok pada awalnya dibina untuk menghubungkan penduduk di kawasan Petra Jaya dengan Kuching sebelum runtuh pada 2004.

"Saya telah mengarahkan Jabatan Kerja Raya (JKR) untuk membina semula Jambatan Gantung Satok pada tahun ini yang memberi kemu-

dahan kepada pejalan kaki dan kaki pancing.

"Ini sekali gus akan mempromosikan Medan Niaga Satok kepada pelancong yang lebih gemar menggembara dengan berjalan kaki," katanya.

Beliau berkata demikian dalam Majlis Perasmian Sambutan Ulang Tahun Ke-4 Medan Niaga Satok di sini, semalam.

Johari yang juga Menteri Pelancongan menegaskan, kerajaan negeri akan menyediakan peruntukan RM240,000 setahun untuk kerja-kerja penyelenggaraan Medan Niaga Satok.

"Ini bermakna, peniaga di Medan Niaga Satok bakal menikmati kemudahan elektrik dan air secara percuma.

"Ini juga adalah sebahagian daripada usaha kita untuk meringankan beban golongan petani dan nelayan yang ada di antaranya datang dari luar bandar raya Kuching," jelasnya.

Malah, katanya, Medan Niaga Satok turut dilengkapi kemudahan lain seperti tempat mandi dan solat.

"Setelah empat tahun ditubuhkan, hari ini (semalam) kita saksikan Medan Niaga Satok menjadi tempat tumpuan pe-

lancong yang ingin membeli produk Sarawak seperti ikan terubok, buah dabai, durian pakan, pisang udang dan sebagainya.

"Justeru, saya yakin dengan pembinaan semula Jambatan Gantung Satok, maka industri pelancongan di kawasan ini akan lebih rancak berkembang," ujarnya.

Johari berkata, Medan Niaga Satok kini turut dijadikan sebagai pusat pengumpulan produk di Sarawak yang dipantau rapi Lembaga Pemasaran Pertanian Persekutuan (Fama).

— Fenny Silong